



აკაკი წერეთლის სახელმწიფო
უნივერსიტეტის აკადემიური საბჭო

ACADEMIC BOARD OF AKAKI
TSERETELI STATE UNIVERSITY

თამარ მეფის ქ. № 59

მის: 4600, საქართველო, ქუთაისი

ტელ: (+995 331) 4 21 73 ფაქსი (+995 331) 4 38 33

ელ.ფოსტა atsu@atsu.edu.ge

აკაკი წერეთლის სახელმწიფო უნივერსიტეტი
აკადემიური საბჭო

6 ივნისი, 2022

დადგენილება №62(21/22)

საჯარო სამართლის იურიდიული პირის - აკაკი წერეთლის სახელმწიფო უნივერსიტეტის ენების
შემსწავლელ ცენტრში ხელშეკრულების საფუძველზე და საათობრივი ანაზღაურების წესით
მოწვეული სპეციალისტების სასწავლო, სასწავლო-მეთოდური დატვირთვის ნორმების
დამტკიცების შესახებ

„უმაღლესი განათლების შესახებ“ საქართველოს კანონისა და უნივერსიტეტის წესდების შესაბამისად,
აკადემიური საბჭო ადგენს:

1. დამტკიცდეს საჯარო სამართლის იურიდიული პირის - აკაკი წერეთლის სახელმწიფო უნივერსიტეტის ენების შემსწავლელ ცენტრში ხელშეკრულების საფუძველზე და საათობრივი ანაზღაურების წესით მოწვეული სპეციალისტების სასწავლო, სასწავლო-მეთოდური დატვირთვის ნორმები თანდართული ფორმით.
2. დადგენილება ამოქმედდეს 2022 წლის 1 სექტემბრიდან.

აკადემიური საბჭოს
თავმჯდომარე, რექტორი:

პროფ. როლანდ კოპალიანი

მუხლი 1

აკაკი წერეთლის სახელმწიფო უნივერსიტეტის ენების შემსწავლელ ცენტრში ხელშეკრულების საფუძველზე და საათობრივი ანაზღაურების წესით მოწვეული სპეციალისტების სასწავლო, სასწავლო-მეთოდური დატვირთვის ნორმები განსაზღვრავს უნივერსიტეტში ენების შემსწავლელ ცენტრში ხელშეკრულების საფუძველზე და საათობრივი ანაზღაურების წესით მოწვეული სპეციალისტების სასწავლო, სასწავლო-მეთოდური დატვირთვის ნორმებს.

მუხლი 2

2.1. ენების შემსწავლელ ცენტრში ხელშეკრულებით მოწვეული სპეციალისტის სასწავლო დატვირთვის მთლიანი წლიური მოცულობა განისაზღვროს - 500 საათი; მათ შორის:

ა) ლექცია-პრაქტიკული მუშაობის მინიმალური სავალდებულო საათების რაოდენობა განისაზღვროს 360 საათი;

მუხლი 3

3.1. ხელშეკრულებით მოწვეულ სპეციალისტს უფლება აქვს სასწავლო დატვირთვის ნორმის (500 საათი) ზევით შეასრულოს სასწავლო დატვირთვა საათობრივი ანაზღაურების წესით არაუმეტეს 250 საათის (ლექცია-პრაქტიკული მუშაობა 72%; კონსულტაცია, ტესტების მომზადება, სტუდენტის შეფასება 28%) ოდენობით, რისი ანაზღაურებაც მოხდეს ინდივიდუალური დატვირთვით ნაკისრი ვალდებულების შესრულების შემდეგ, სემესტრულად ფაქტობრივი შესრულების გათვალისწინებით.

3.2. ხელშეკრულებით, საათობრივი ანაზღაურების წესით მოწვეულ პერსონალს, რომელსაც მუშაობა უხდება საბაკალავრო პროგრამებზე არსებულ მცირერიცხოვან ენობრივ ჯგუფებში (12-ზე ნაკლები) ინდივიდუალურ დატვირთვაში სასწავლო ნორმატივები განესაზღვროთ აკადემიური საბჭოს 2022 წლის 6 ივნისის დადგენილების № 61 (21/22) მე-13 მუხლის “ტ” პუნქტით.

3.3. ხელშეკრულებით, საათობრივი ანაზღაურების წესით მოწვეულ პერსონალს, რომელსაც მუშაობა უხდება სამაგისტრო პროგრამებზე არსებულ მცირერიცხოვან ჯგუფებში (5-ზე ნაკლები) ინდივიდუალურ დატვირთვაში სასწავლო ნორმატივები განესაზღვროთ აკადემიური საბჭოს 2022 წლის 6 ივნისის დადგენილების № 61 (21/22)) მე-13 მუხლის “ს” პუნქტით;

მუხლი 4

4.1. განსაკუთრებულ შემთხვევაში, ხელშეკრულებით ან საათობრივი ანაზღაურების წესით მოწვეული პირის სასწავლო წლიური დატვირთვის მოცულობა და ანაზღაურების წესი (ამ დადგენილების მე-2, და მე-3 მუხლით განსაზღვრული ნორმებისადმი პირდაპირი პროპორციის გათვალისწინებით) შეთანხმდეს რექტორთან ენების შემსწავლელი ცენტრის ხელმძღვანელის წარდგინებით.

მუხლი 5

5.1. იმ პირებს, რომლებიც მოწვეული იქნებიან ენების შემსწავლელ ცენტრში მხოლოდ საათობრივი ანაზღაურების წესით, სასწავლო დატვირთვის მოცულობა განესაზღვროთ არანაკლებ 170 საათისა და არაუმეტეს 700 საათისა (ლექცია-პრაქტიკული მუშაობა 70 %; კონსულტაცია, ტესტების მომზადება, სტუდენტის შეფასება 30%);

მუხლი 6

6.1. ამ დადგენილებით განსაზღვრული პერსონალის ნორმირებული სამუშაო დროის ხანგრძლივობა უნივერსიტეტში არ უნდა აღემატებოდეს კვირაში 40 საათს.

მუხლი 7

7.1. გაუქმდეს აკაკი წერეთლის სახელმწიფო უნივერსიტეტის აკადემიური საბჭოს 2019 წლის 30 მაისის დადგენილება № 66 (18/19) ენათა ცენტრში ხელშეკრულების საფუძველზე და საათობრივი ანაზღაურების წესით მოწვეული სპეციალისტების დატვირთვის დიაპაზონისა და სახელფასო ანაზღაურების შესახებ.